

Datum stupanja na snagu 03.01.2005. (Sl.glasnik BiH, br.07/03)

**UGOVOR
IZMEĐU BOSNE I HERCEGOVINE I REPUBLIKE HRVATSKE
O IZMJENI
UGOVORA IZMEĐU VLADE REPUBLIKE BOSNE I HERCEGOVINE
I VLADE REPUBLIKE HRVATSKE
O POTICANJU I UZAJAMNOJ ZAŠTITI ULAGANJA**

Član 1.

U Ugovoru između Vlade Republike Bosne i Hercegovine i Vlade Republike Hrvatske o poticanju i uzajamnoj zaštiti ulaganja, skopljenom u Splitu 26. februara 1996. godine (u daljnjem tekstu: Ugovor), naziv Ugovora mijenja se i glasi:

**“Ugovor između Bosne i Hercegovine i Republike Hrvatske
o podsticanju i uzajamnoj zaštiti ulaganja”**

Član 2.

Preambula Ugovora mijenja se i glasi:

“Bosna i Hercegovina i Republika Hrvatska (u daljnjem tekstu: Ugovorne strane), želeći podsticati međusobnu privrednu saradnju na zajedničku dobrobit,

imajući namjeru stvaranja povoljnih uvjeta za ulaganja ulagača jedne Ugovorne strane na teritoriji druge,

priznajući potrebu podsticanja i zaštite stranih ulaganja u cilju privrednog razvoja Ugovornih strana,

DOGOVORILE SU KAKO SLIJEDI:”

Član 3.

U članu 1. stav 5. mijenja se i glasi:

“Izraz “teritorija” podrazumijeva kopneno područje Bosne i Hercegovine ili kopneno područje Republike Hrvatske, njihovo podzemlje i zračni prostor iznad tih područja, kao i područja mora, uključujući morsko dno i podmorje koji se nastavljaju na vanjsku granicu teritorijalnog mora, na kojima prema međunarodnom pravu odnosna država ostvaruje svoja suverena prava istraživanja i iskorištavanja prirodnih izvora i bogatstava tih područja i jurisdikciju.”

Član 4.

Poseban dodatak Ugovoru između Vlade Republike Bosne i Hercegovine i Vlade Republike Hrvatske o poticanju i uzajamnoj zaštiti ulaganja od 26. februara 1996. godine stavlja se van snage.

Član 5.

Ovaj Ugovor stupa na snagu danom prijema posljednje obavijesti kojom se Ugovorne strane pisano, diplomatskim putem, međusobno izvještavaju da su ispunjeni svi uvjeti predviđeni njihovim nacionalnim zakonodavstvom za stupanje ovog Ugovora na snagu.

Sastavljeno je u _____ dana _____ u dva originala, svaki na službenim jezicima Bosne i Hercegovine: bosanskom/hrvatskom/srpskom jeziku i hrvatskom jeziku, pri čemu su svi tekstovi jednako autentični.

Za Bosnu i Hercegovinu

Za Republiku Hrvatsku
